

Në qytetin gjerman Hannover të shtunën pasdite u mbajtën demonstrata nga ekstremistët e djathtë, të cilët kundërshtojnë "islamizimin e Evropës".

Jo larg nga vendi i protestës së tyre sot është mbajtur një tubim antifashist dhe antiracist.

Me mijëra persona kanë mbajtur protesta në vendin, ku pjesëtarët e të djathtës ekstreme dhe grupi i huliganëve protestuan kundër përhapjes së Islamit në Evropë.

Në sheshin prapa stacionit qendror të trenit në Hannover ishin mbledhur pjesëtarët e të djathtës ekstreme dhe tifozët e disa klubeve të futbollit, të cilët brohorisnin me slogane kundër të huajve dhe Islamit. Ndërkohë që vetëm 300 metra nga ky vend disa qytetarë protestuan kundër të djathtës ekstreme.

Simpatizantët e të djathtës ekstreme dhe huliganët mbanin nëpër duar pankarta me mbishkrimet "Stop islamizimit të Evropës", ndërsa në anën e kundërt u panë parulla të tilla si "Jo racizmit".

Policia e Hannoverit ndërmori masa të mëdha të sigurisë me qëllim për të shmangur incidentet e mundshme. Zëdhënësi i policisë së Hannoverit, Andre Puir deklaroi se protestat kanë zgjatur rreth tre orë dhe nuk janë shënuar incidente të mëdha.

"Në protestat e huliganëve ishin rreth tre mijë persona. Nuk ka asnjë të lënduar dhe protestat mbaruan në mënyrë paqësore", shtoi Puir./trt/